

बंड : इक पीड़

मूल लेखक

डॉ. प्रकाश झा

डोगरी अनुवाद

सुषमा रानी राजपूत

मो. : 9419255188

बंड : इक पीड़

- दक्ख : इक आयोजन चलै करदा ऐ...
- गीत : आओ बच्चो दसचै तुसेंगी, झांकी हिंदोस्तान दी ... इस मिट्टी नै तिलक करो, एह धरती ऐ बलिदान दी ... बंदे मतारम...
- जागत : जागत बी पिच्छै-पिच्छै गीत दर्हांदा ऐ ... (उस्सलै उच्ची अबाजै च)
- प्रधानमंत्री जी दी : देशै दी बंड दे दर्द गी भलाया नेई जाई सकदा ।
- अबाज च : नफरत ते हिंसा करी साढ़े लक्खें बद्धे भैनें-भ्राएं गी बेघर होना पेआ ते अपनी जान मुहानी पेई ।
उ'नें लोकें दे सघर्ष ते बलिदान दे चेतें च 14 अगस्त गी 'विभाजन विभिषका स्मृति दिवस' दे तौर उप्पर मनाने दा निर्णा असें लैता ।
- जागत : दादा जी एह 'बंड दी पीड़' (विभाजन की विभीषिका) किस चिड़ी दा नांऽ ह! दा नांऽ ऐ?
- दादा जी : ओ बुद्धु बच्चा तू बंड दा मतलब निं समझदा? किश रोज पैह्लै गै ते तुगी समझाया हा ।
- जागत : दादा जी, ...तुसें गै ते आखेआ हा, जे एह लै टाफी ते दोऐ भ्राऽ बराबर बंडी लैओ ...बस इस्सै गी बंड गलादे न ना?
- दादा जी : ओहो, नेई पुत्तर ... बंडने च ते बंड च फर्क होंदा ऐ...
- जागत : ओह कि'यां दादा जी?
- दादा जी : बंड दा मतलब ऐ? जेकर तुं'दे कोल 10 टाफियां न, तां दो लोक इ'नेंगी 5-5 करियै बंडी लैडन । एह होआ बंडना ।
- जागत : हां, ...बिल्कुल ...इ'यै ते बंड बी ऐ ना?
- दादा जी : त्रोंडियै बंडना ते बिजन त्रोंडे बंडना... बक्खरा-बक्खरा होंदा ऐ बच्चा गोबर्धन दास । हुन समझेआ ... बंड ते बंडने च फर्क...?

- जागत : ओहो... दादा जी ...इ'यां ते मेरी टाफी भज्जियै खिल्लरी जाग
... ते टाफी गी बड़ी पीड़ होग...
- दादा जी : हुं... इ'ये ते होंदी ऐ बंड...
- जागत : नेई दादा जी... बंड च बड़ा दर्द छप्पे दा ऐ...
- दादा जी : हां, इसै करी ते प्रधानमंत्री जी नै आक्खे दा ऐ... बंड दी
पीड़...
- जागत : अच्छा...
- दादा जी : हुन तूं (विभिषिका) दा मतलब निं पुच्छी ओड़ेआं...
- जागत : नेई, दादा जी, ओहू ते में समझना... पर दादा जी साढ़े
प्रधानमंत्री जी कैहदी बंड दी पीड़ दी गल्ल करै करदे न?
- दादा जी : साढ़े प्रधानमंत्री जी अपने देश अखंड भारत दी बंड दी गल्ल करै
करदे न।
- जागत : अपने भारत देसै दी बंड दी पीड़ दे बारे च...? अ'ऊं किश
समझेआ नेई... दादा जी! मिगी शैल चाल्ली समझाओ।
- दादा जी : तां चलो फही, अज्ज तुसेंगी अपने देसै दी 'बंड दी पीड़' बारै
समझाना...
- गाना : हे हिरख जित्थूं दी रीत सदा
अ'ऊं गीत उत्थूं गानां आं
भारत दा रौहने आह्ला आं
भारत दी गल्ल सन्नाना आं।
- सूत्रधार इक : अखंड भारत दी बंड नोक्खे मनुक्खी बिस्थापन ते मजबूरी च
पलायन दी इक पीड़ भरोची कहानी ऐ।
- सूत्रधार दो : एहू इक ऐसी कहानी ऐ, जिस च लक्खां बद्धे लोक ओपरे
लोकें च भलेआं बक्खरे वातावरण च इक नमां आसरमां तपाशै
करदे हे।
- सूत्रधार इक : विश्वास ते धामर्क अधार उप्पर इक मारू बंड दी कहानी होने
दे इलावा एहू इस गल्लै दी बी कहानी ऐ...
- सूत्रधार दो : जे कि'यां इक जीवन शैली ते मते पराने सैहअस्तित्व दा युग
चानचक्क ते नाटकी ढंगै कन्नै मुक्की गोआ।
- सूत्रधार इक : लगभग 60 लक्ख गैर मुसलमान उस उस इलाके चा निकली
आए, जेहड़ा बाद इच पश्चमी पाकिस्तान बनी गोआ।
- सूत्रधार दो : 65 लक्ख मुसलमान पंजाब, दिल्ली आदि भारत दे हिस्से थमां

- पश्चमी पाकिस्तान च गे हे ।
- सूत्रधार इक : 20 लक्ख गैर-मुसलमान पूर्वी बंगाल, जेहड़ा बाद इच पूर्वी पाकिस्तान बनेआ, थमां निकलिये पश्चमी बंगाल आए ।
- सूत्रधार दो : 1950 च 20 लक्ख गैर मुसलमान पश्चम बंगाल आए ।
- सूत्रधार इक : दस लक्ख मुसलमान पश्चम बंगाल थमां पूर्वी पाकिस्तान उठी गे ।
- सूत्रधार दो : इस भैऽ च मरे दे लोक लगभग 5 लक्ख दे कोल-कश दस्से जंदे न ।
- सूत्रधार इक : पर इक अनुमान स्हावें एह आंकड़ा 5 थमां 10 लक्ख दे बिच्च दा ऐ ।
- गीत : अक्खियें चा बगदी, एह दर्द दी थार छुड़की दी जिंदगी, गुआचे दे यार । अक्खियें चा बगदी एह दर्द की थार छुड़की दी जिंदगी, गुआचे दे यार ।
- जागत : दादा जी... मिगी ते सुनियै डर लग्यै करदा ऐ ।
- दादा जी : एह डरने आहली गल्ल ते है बच्चा... सोचो जेहड़े लोक उस बेल्लै होडन उं'दे उप्पर केह बीती होग ?
- जागत : दादा जी... उस बेल्लै ते मेरे जनेह जयाणें बी होने... उं'दा केह हाल होआ होग ?
- दादा जी : हां, लक्खें बद्धे ज्याणें एह सब दिक्खेआ हा, जिं'दे दमाकै चा ओह खिन कदें निकलेआ गै नेई... ओह उस दक्ख गी चेत्ता करियै अज्ज बी सैहमीं जंदे न मेरे बच्चे ।
- जागत : इसदे बारे च मिगी किश होर सनाओ दादा जी
- दादा जी : तां सुन मेरे बच्चे...
- गीत : एह दिक्खो बंगाल इत्थूं दा, हर चप्पा सैल्ला-सैल्ला ऐ, इत्थूं दा हर बच्चा, अपने देसै पर मरनेआह्ला ऐ बनाया ऐ इसगी बिजली नै, भूचालें इसगी पाल्ले दा ऐ मुट्ठी च तफान फड़े दा, ते प्राणे च ज्वाला ऐ । जन्मभूमि ऐ इ'यै साढ़े, वीर सुभाष महान दी इस मिट्ठी नै तिलक करो, एह धरती ऐ बलिदान दी बंदे मातरम, बंदे मातरम ।
- पात्तर 3 : 20 फरवरी, 1947 गी ब्रिटिश प्रधानमंत्री स्लेमेंट एटली नै हाउस ऑफ कॉर्मस च घोषणा कीती ही...

- पात्तर 4 : सरकार नै 30 जून, 1948 थमां पैहलै सत्ता छोड़ियै भारत छोड़ने दा निर्णा कीता ।
- पात्तर 3 : इस पूरी प्रक्रिया गी लॉर्ड माउंटबेटेन आसेआ बड़े तौले गै इक साल दे अंदर गै पूरा करी लेआ हा ।
- पात्तर 4 : लॉर्ड माउंटबेटेन 31 मेई, 1947 गी लंदन थमां सत्ता छोड़ने दी मंजूरी लेइयै नमीं दिल्ली परतोई आए हे ।
- पात्तर 3 : 2 जून 1947 दी इतिहासक बैठक च बंड दी योजना उप्पर मुट्टे तौर उप्पर सैहमती बनी ही ।
- पात्तर 3 : भारत दी बंड दा निर्णा इक पैहलै रक्खी गेदी शर्ते आंगर हा ।
- पात्तर 4 : इस योजना दा सारै बरोध होआ, जे भारत जनेह् देसै दी बंड धामर्क अधार उप्पर कीता जानी लोड़चदी ।
- पात्तर 3 : आखदे न जे इस बंड गितै उ'ए नेता मानसक रूप च तेआर हे, जि'नेंगी इस बंड करी अपना लाह ते खरा भविक्ख लब्धै करदा हा ।
- गीत : हे भारत मांड, तुगी सलाम
बंड दे बाद बी ऐ
असेंगी इक होने दा गमान ।
जाति, धर्म दा मेल, साढ़ी धरोहर
किट्टे चलचै लेई एके दी धरोहर ।
बंड दी पीड़ गी अस चेत्ता रखगे ।
देसै गी हर् गैई पर अगै लेइयै चलगे ।
- सूत्रधार 1 : विक्रम भाईया, बंड बारै अस होर केह आखचै
- सूत्रधार 2 : भाईया रमेश, बंड गी बढ़ावा देने करी समाज सधार होग ।
बक्ख-2 समुदायें गी अपने-अपने अधिकार थोडन ।
- सूत्रधार 1 : विक्रम जी, बंड कन्नै नेई, एके कन्नै गै समाज दा विकास होई सकदा ऐ । आओ अस सब्भै इकजुट्ट होइयै तरक्की दे रस्ते उप्पर चलचै ।
- सूत्रधार 2 : भैन जी, तु'दियां गल्लां ते ठीक न, पर सच्च एह् ऐ जे बंड कन्नै गै सब किश मुंमकन होंदा ऐ ।
- सूत्रधार 1 : असेंगी इकजुट्ट होइयै देसै दी तरक्की गितै कम्म करना चाहिदा । बंड दी पीड़ै गी खत्म करना होग ।
- गीत : अस नौजुआन अगै औहगे,

- बंड दे बा'द बी इक्कै रौहूगे
हर जाति, हर धर्म गी गलें लाइयै,
भारत मांड दे सुखने पूरे करचै ।
- सूत्रधार 2 : एह सब ते ठीक ऐ, पर क्या अस सब्भै मिलियै एह सनेहा
अपनाई पाहूगे?
- सूत्रधार 1 : ओ भाई, जेकर अस सब्भै एका करियै रौहूचै, तां सब किश होई
सकदा ऐ। अगै बधने लेई असंगी एके दी धरोहर गी बचाना
पौग ।
- सूत्रधार 2 : ठीक ऐ, मिगी मेद ऐ जे तुस सब्भ बी सैहमत हूगे । पर अखंड
भारत दी बंड बेल्लै होर केह-केह होआ एह ते सनाओ...
- पात्तर 3 : तां सुनो... अखिल भारती मुस्लिम लीग दी बैठक 9 जून 1947
गी नर्मा दिल्ली दे इम्पीरियल होटल च होई ।
- पात्तर 4 : उत्थै बंड दी मंग आह्ला प्रस्ताव लगभग सभनें दी सैहमती
कन्नै पारित होआ ।
- पात्तर 3 : जिसदे पक्ख च 300 ते बरोध च 10 बोट पे ।
- पात्तर 4 : भारती मुस्लिम लीग दे केई नेता पाकिस्तान दे नमें राज दे द'ऊं
हिस्सें, पूर्व ते पश्चिम च बंडोने करी नांखुश हे ।
- पात्तर 3 : जि'यां के समें नै साबत करी ओड़ेआ, जे एह इक ब्यवहारक
बिचार नेहा ।
- पात्तर 4 : अगै जाइयै इ'यै गल्ल सिद्ध बी होई गई ।
- पात्तर 3 : 1971 ज पूर्वी पाकिस्तान, पाकिस्तान थमां बक्खरा होई गोआ ।
ते इक नमें अजाद देसै दे रूपै च बंगलादेश दा गठन होआ ।
- दादा जी : भारत दे बक्ख-बक्ख हिस्सें गी डराई देने आह्ली 1946 ते
1947 च होई दी संप्रदायक हिंसा दी ब्यापकता ते क्रूरता उप्पर
मतियें थाहरें खु'ल्लियै लिखेआ गेदा ऐ ।
- जागत : दादा जी ...हुन मिगी बझोंदा ऐ जे साढे भारत देश गितै एह
बंड ते बड़ी गै खतरनाक सावत होई...
- दादा जी : हां बच्चा ... अजें ते अ'ऊं तुगी बंगाल दी कहानी सनाई गै
नेई ।
- जागत : उत्थै केह होआ हा दादा जी... सनाओ ना...
- गीत : (इक देशभक्ति गीत दियां किश सतरां)
- सूत्रधार 1 : ओह 4 मार्च 1947 दा दिन हा । पुलसै हिंदुएं ते सिक्खें दे इक

- जलूसै उप्पर गोलियां चलाई दितियां ।
- सूत्रधार 2 : दिखदे-दिखदे गै 6 मार्च बडले तगर अमृतसर, जलंधर रावलपिंडी, मुलतान ते सियालकोट समेत पंजाब दे सभनें शैहरें च दंगे-फसाद होन लगी पे ।
- सूत्रधार 1 : पंजाब दे मकावले च बंगाल च ... चिरै तगर होऐ करदी नटूठ भज्ज ते पुर्नवास दा रूप बक्खरा हा ।
- सूत्रधार 2 : बंगाल दे लोक ते दो-दो बारी उज्जड़े ते बस्से...
- सूत्रधार 1 : इक बारी ते उ'नेंगी अपना घर-बाहर छोड़ियै पूर्वी पाकिस्तान च औना पेई गोआ...
- सूत्रधार 2 : फही उत्थूं नस्सियै पश्चम बंगाल औना पेआ...
- सूत्रधार 2 : भई... उत्थूं दे अधिकारियें बंड करी पैदा होए दे खौफ दे आंतक दा लाना गल्ल लाया... ।
- सूत्रधार 1 : ज्हारां बद्धे हिंदू परोआर ढाका ते उसदे नेड़े-त्रेड़ेआ नस्सियै सियालकोट आई पुज्जे...
- सूत्रधार 2 : इन्ने सैहजे नेई पुज्जे... रस्ते च जनानियें दे गैहने लुट्टी लैते गो... उ'नेंगी केई चाल्लीं कन्नै प्रताड़त कीता गोआ...
- सूत्रधार 1 : कुड़ियें, जनानियें ते बजुर्गे कन्नै जानवरें आह्ला ब्यवहार कीता गोआ...
- सूत्रधार 2 : केह जनानियां, केह ज्याणे, केह बुड्डे सभनें कन्नै बड़ा माड़ा सलूक होआ...
- सूत्रधार 1 : हां एह सच्च ऐ... बंड दरान जनानियें गी बड़ा गै मता नकसान होआ ।
- सूत्रधार 2 : लक्खां परोआर अपने रिश्तेदारें शा निक्खड़ी गे ।
- सूत्रधार 1 : इन्ना गै नेई, उत्थूं जेहड़े लोक रेलै च जिंदा बैठे, इत्थै ओह लोथें दा ढेर बनियै पुज्जे ।
- गीत : मत भुल्लो बंड दे बिच्च, जेहड़ियां होईयां साढ़े कन्नै करतूतां विश्वास ते हिरख दे बंधन गी, हर गैई उप्पर त्रोड़न ।
भारती संस्कृति दा इ'थै सनेहा ऐ असेंगी, एकता दा गीत गांदे,
सभनें गी फही जोड़चै अस ।
बंड दी पीड़ गी स्मृति दिवस अस मनाचै
अस कदें नेई बंडोगे एह प्रण सब करचै ।
जागत रोन लगदा ऐ...

- दादा जी : रोए करना ऐ बच्चा...? रोंदे नेई... चुप होई जा...
- जागत : दादा जी एह सब किश ते असेंगी नेई हा पता...
- दादा जी : हाँ इससे करी गै ते साढ़े यशस्वी प्रधानमंत्री जी नै इसगी स्मृति दिवस दे रूपै च मनाने गी आक्खे दा ऐ, जिस कन्नै सभनें देशबासियें गी अपने अतीत दा ज्ञान र'वै...
- जागत : ढाका थमां आए दे उ'नें रिफ्यूजियें दा केह् पही केह् होआ दादा जी?
- दादा जी : इसदी बी इक नोक्खी कहानी ऐ, बच्चा ... आखदे बी है न..
. ना घरै दे रेह् ते न गै घराटै दे...
- जागत : ऐसा कीऽ...?
- दादा जी : ओह् अपना घर बाहर छोड़ियै इत्थै आए... ते इत्थै रिफ्यूजी खुआए...
- गीत : अपनी धरती थमां अस नसाए गे,
इत्थै रिफ्यूजी बनियै अस आई गे।
देस छोड़ी चले, भड़कदे रेह्, अपने सुखने सच्च करने लेई।
धूंऽ पाओ, रस्ता बदलो, हर मोड़ पर लड़े, जीने लेई।
अपनी धरती उप्परा अस नसाए गे
इत्थूं रिफ्यूजी बनियै अस रेही गे।
- पात्तर 3 : पूर्वी पाकिस्तान थमां इन्ने लोक बंगाल आई गे जे कुसै घरै च इक इंच जगह बी नेई ही बची... अपने रिश्तेदारें गी रक्खने लेई...
- पात्तर 4 : पश्चिम बंगाल सरकार नै चगाँव, नरायण गंज, बारीसाल ते चांदपुर थमां शरणार्थियें गी कलकत्तै आहनने गितै 15एं स्टीमरें दा बंदोबस्त कीता हा...।
- पात्तर 3 : पूर्वी पाकिस्तान थमां लोकें पानियै दे रस्तै पलायन कीता ... केई मछुए पानियै च डुब्बी गे ... किश दिनें परैन्त पानियै उप्पर लोथां गै लोथां तरन लगी पेइयां...
- पात्तर 4 : ऐसा केह् चेचा हा, साढ़े हिस्से दी धरती च... जिसगी हासल करने लेई, साढ़ा सब किश उठी गोआ...
- पात्तर 3 : बंगाल, पंजाब, गुजरात, सिंध चौनें पासै बंड दी अगग सलगी गेई।
- पात्तर 4 : सिंध दे लोक ते विस्थापत होईयै आई गे, पर सिंध असेंगी नेई

- थ्होआ...
- सूत्रधार इक : सिंध थमां चेता आया-सभनें थमां मते सिंधी परोआर राजस्थान आए ।
(सिंधी परोआर दे रूपै च)
- सूत्रधार दो : भाइया ... मेरी गल्ल बी सुनो...
गाना : किश मेरी बी सुनो, लोक तुं'दी सुनडन तुस बंड आखगे, ओह पीड़ समझग...
किश मेरी बी सुनो...
तुस राजस्थान गी दिक्खो, ओहबी फकोआ हा... कि'यां आए अस, सुनिये तुस बी रोई पौहगे... किश मेरी बी सुनो, लोक तुं'दी सुनडन...
तुस बंड आखगे, ओह पीड़ समझडन...
- सिंधी मर्द : बंड परैन्त पाकिस्तान थमां लक्खां शरणार्थी भारत आए, ते राजस्थान उ'नें प्रदेशें च शामल हा जित्थै सभनें थमां मते शरणार्थी आए...
- सिंधी जनानी : राजस्थान च साढे जनेह् शरणार्थियें गितै राहत ते मुड़ियै बसाने दी ब्यवस्था करना इक बड्डी चनौती ही ।
- सिंधी मर्द : साढे औने करी राजस्थान दे सांस्कृतिक ताने-बाने च बी बदलाड होए । अस बक्खरे-बक्खरे लब्भन लगी पे । साढी संस्कृति, भाशा ते रीति रबाज सब्भै बदली गे ।
- सिंधी जनानी : सिंध च में बड्डा विजनस मैन हा । पर इत्थै ज्याणें गी द'ऊं डंगे दी रुट्टी बी नसीब नेई ।
- सिंधी मर्द : उत्थै मेरी हट्टी, घर-बाहर सब लुट्टी लैता गेआ ।
- सिंधी जनानी : उस रातीं गी उस कि'यां चेता करचै भाई... जदूं अपने ज्याणें गी मूहडै लेइयै अ'ऊं नस्सी ही...
- सिंधी मर्द : नसदे-भजदे, बचदे-बचांदे में अपने इक दूरै दे रिश्तेदारै घर कि'यां राजस्थान दे बिकानेर च पुज्जेआ हा ।
- सिंधी जनानी : साढे केई सक्के-निक्के रस्ते च गै निक्खडे गे, जि'नेंगी अज्जै तगर अस दिक्खी बी नेई सके । किश लोक झुंझुनु च रेह ।
- सिंधी जनानी : ओह बी बचैरे किन्ने रोज गै अपने कन्ने रखदे । खीरी थक्की-हारियै रिफ्यूजी कैप च औना गै पेआ ।
- सिंधी मर्द : बड़ा दर्द ऐ भाई ... हसदे-खेढदे परोआर ग्रांड, शैहर, कि'यां

- बरबाद होंदे न, कोई साढ़े शा पुच्छै...
(दोए चीकरां मारियै रोन लगदे न)
- गाना : खिल्लरी गई दुनियां, खिल्लरी गई रेत,
गुआची गे अपने, छुड़की गे खेत्तर ।
अक्खियें चा बगदी, एह दर्द दी धार,
छुड़की गेदी जिंदगी, खुआची गे यार ।
सुखनें दी दुनिया, भुल्ली गेदे आं ।
नफरत दे बराने च गुआची गेदे आं ।
- जागत : दादा जी, हुन अ'ऊं किश बी नेई सुनना...
दादा जी : अजें ते तूं गुजरात दा हाल सुनेआ गै नेई बच्चा ।
जागत : नेई मिगी बंड दी पीड़ समझ आई गई ऐ दादा जी ।
दादा जी : पर असें गुजरात बी ते जाना ऐ न बच्चा थोहड़ा इत्थै बी चलने
आं, दिक्खने आ ...उत्थूं दा केह हाल ऐ?
चलो, अपने गुजराती चाचा कन्नै मिलने आं ते बंड दी कहानी
सुनने आं...
- गुजराती अम्मा : में अपनी गल्ल केह सनां, मिगी ते अपने देसै च गै बंड दी पीड़
झल्लनी पेई ही भाइया ।
- सूत्रधार इक : ओह कि'यां दादी, किश समझ निं आया
गुजराती अम्मा : उस बेल्लै मेरे पति पाकिस्तान गेदे हे, कमाने गितै । पर ओह
उत्थूं बापस नेई परतोए । मेरै मल्लहै नट्ट-भज्ज पेई गई । कुसै
आखेआ पाकिस्तान चलो ते कुसै आखेआ नेई, गुजरात चलो ।
- सूत्रधार दो : फही केह होआ अम्मा?
गुजराती अम्मा : फही अ'ऊं अट्टें ब'रें दी कुड़ी गी लेइयै गुजरात आवै करदे
लोकें कन्नै आई गई ।
(दक्ख लब्भन लगदा ऐ)
- गुजराती कुड़ी : अम्मी! अब्बा ते पाकिस्तान गेदे न, उत्थै गै चलो न...
गुजराती अम्मा : नेई मेरी धीऽ! गुजरात गै चल, जिसलै सव किश ठीक होई जाग
तां अब्बू बी उत्थै गै आई जाडन । असेंगी इत्थै होर मता चिर
नेई रुकना चाहिदा । इत्थै म्हौल मता खराब होऐ करदा ऐ ।
असेंगी तौले चलना होग ।
- गुजराती कुड़ी : (डरी दी) अम्मीं, अस कु'त्थै जाहगे? क्या अस सुरक्खत रौहगे?
गुजराती अम्मा : हां मेरी बच्ची । अस सुरक्खत रौहगे । अस चलगे, ते तौले गै

- सुरक्खत थाहरा उप्पर पुज्जी जाहगे ।
- गुजराती कुड़ी : अम्मी! अ'ऊं थक्की गेदी आं... त्रेह लग्गी दी ऐ। हुन अ'ऊं होर नेई टुरी सकदी अम्मी।
- गुजराती अम्मा : कोई गल्ल नेई धिये... बस हुन कुतै नेडै गै होना ऐ कैम्प।
- गुजराती कुड़ी : अम्मी चाचू होर कु'त्थै रेही गे?
- गुजराती अम्मा : ओह साढे कोला निक्खड़ी गेदे न धिये।
- गुजराती कुड़ी : अम्मी। हुन अब्बू नेई मिलडन असेंगी?
- गुजराती अम्मा : केह पता धिये? हुन सेई जा तूं...
- गुजराती कुड़ी : ते मेरी धीऽ रोज रातीं इ'थै आखदे होई सौंदी ही जे अब्बू पाकिस्तान थमां कदूं औडन?
(सब्भै रोन लगदे न)
- दादा जी : इ'थै हाल हा पूरे देसै दा।
- पात्तर 3 : असेंगी पंजाब दा किश हिस्सा थोआ, यानि पंजाब बी द'ऊं हिस्सें च बंडोइयै रेही गेआ। एह बंड इक ऐसा जख्म ऐ जिसनै साढे पंजाब दे भ्राएं गितै जि'यां आक्खो छाती चीरियै बक्ख करी दित्ता होऐ।
- सूत्रधार 1-2 : जित्थै जीवन दी हर भ्याग खुशी कन्ने खिड़ी जंदी ही... उत्थूं दा मंजर दिक्खियै अत्थरुं बी खून होई गेआ...
- पात्तर 3-4 : नेई है मता दर्द तेरे भारै दा मूढे उप्पर जिसलै तोलना, उसगी दहशत, जंग ते क्रूरता
- राजेन्द्र प्रसाद दी आवाज : अशांति दे समें, च महिलाएं दा अपहरण बड़ा बड़्ठा पाप हा, पर शांती स्थापत होने पर बी इ'नें महिलाएं दा पुनर्वास नेई होई पाना बड़ा बड़्ठा पाप हा।
- पात्तर : बंड दी पीड़ च अपने प्राण मुहाने आहले ते विस्थापन दी पीड़ झल्लने आहले लक्खें भारत बासियें गी शत-शत नमन...
- पात्र-2 : बंड गितै सियासी खेड्ढे च, इक भ्राऊ खलाफ दूए भाऊ दे दमाकै च जैहर भरोई गेआ।
- पात्र-4 : इस जैहर कन्ने मनुक्खै चै गै मनुक्खै गी बड़्ढेआ, मनुक्खै ने मनुक्खै गी बंडी दित्ता, मनुक्खै नै मनुक्खै गी गुआया ते साढा अखंड भारत खडंत होई गेआ।
- पात्र-3 : जो होआ सो होआ... पर आओ हुन अस प्रण करचै, जे इस चाल्ती कन्ने हुन साढे कन्ने कोई छल करै जां प्रपंच करै... तां

- असेंगी उँदे बकहाऽ च नेई औना असें भारत गी अखंड रखना
ऐ ।
- पात्र-4 : हुन अस कुसै स्यासी झांसे च नेई औहगे । अखंडता ते
एकाग्रता कन्ने सुख ते शांती कन्ने अपनी भारत माता गी
विकसत बनागे ।
- गीत : अस खड़ोते दे आं, इकजुट होइयै, नेई होन
देगे मुड़ै बंड,
देसै गी म्हेशां अखंड रखगे, कुसै दे बकहाऽ कन्ने
नेई होगे बिचलित ।
हर दिन, हर खिन, देसै दे सपुत्र बनियै रौहगे,
इस मिट्टी गी समर्पत अपना जीवन करगे ।
अखंडता दा प्रण, असें सभनें गी ऐ करना,
देसै खात्तर म्हेशां जीवन अर्पण ऐ करना ।
अस इक हे, अस इक आं ते अस इक्कै रौहगे ।
पीड़ बंड दी मुड़ियै नेई जरगे ।